

Gvangjsih Minzcuz Bau

ganhhau: CN45-0036 B.2019 Nd.12 Ng.18 liggaeuq geijhah nienz ndwenit ngeihsam

广西民族报

(壮文版)

主管主办: 广西壮族自治区

民族宗教事务委员会

编辑出版: 广西民族报社

出版期数: 总第 3404 期

Geiqniemh Baksak Gijyi 90 Hopbi Heiqcuengh 《Baksak Gijyi》 Haiyienj

Geiqniemh Baksak Gijyi 90 hopbi Heiqcuengh 《Baksak Gijyi》 ndwen 12 ngoenz 10 youq Baksak Si yienjok, baenz cien bouxyawj youq mwh yawj gij heiq miz minzcuz yisuz daegsaek neix dauqcuengz un gij lizsij gwzming, roxnyinh gij cingsaenz saek-hoengz.

Bi 1929 ndwen 12 ngoenz 11, Dwng Siujbingz daengj banlaux gwz-minggyah daiqlingx Baksak Gijyi, cauhlaeb Hungzcizginh. Riengzlaeng, bi 1930 ndwen 2 ngoenz 1, youh daiqlingx fatdoengh Lungzcouh Gijyi,

cauhlaeb Hungzbazginh. Baksak Gijyi、Lungzcouh Gijyi laebbaenz le dieggoek gwzming Cojgyangh Yougyangh.

Heiqcuengh 《Baksak Gijyi》 yungh caepcawq, guh Baksak Gijyi guh diuz cawjsienq, faen baenz ngamq daengz Namzningz、gyoengq vunz comz hoih、danqhaenh yinghlingz、deih Baksak daengj bouhfaenh, dajcauh le gij yienghsiengq Dwng Siujbingz、Lij Mingzyui、Veiz Bazginz daengj haujlai cijcanyenz Baksak Gijyi caeuq gij yienghsiengq Veiz daxbuz、Daeglunz、

Dahva daengj bekkingq Betgveiq, danqhaenh le gij cingsaenz vutmingh lumz dai gwzming senhleiz.

Heiqcuengh dwg gij heiq daiqbiusiq Gvangsijh ndawde cungj ndeu, daengz seizneix gaenq miz 200 lai bi lizsij, youq lai bi hwngfat doxdaej gyahaeuq le gij diuh fwen Bouxcuengh, baenz le gij minzcuz funggek moqsag、gyaeunde. Bi 2006, Heiqcuengh ndaej senjhaeuq buek daih'it guekgya gaep feihvuzciz vwnzva yizcanj baujhoh mingzloeg.

(Yang Ci'gyangz Giz Cinz)

Boux Ndaej Ciengj Daih 15 Gaiq Cungguk-Dunghmungz Lijyz Doxdax Cungguk Cunggietsaiq Bae Byaraiz Caijfungh



Ndwen 12 ngoenz 13, mbanj boux ndaej ciengj Daih 15 Gaiq Cungguk-Dunghmungz Lijyz Doxdax Cungguk Cunggietsaiq bae daengz dieg seiqgyaiq vwnzva yizcanj—Vehbangxdat Byaraiz Ningz-mingz caijfungh. Ciuq cam rox, ndwen 12 ngoenz 12, Daih 15 Gaiq Cungguk-Dunghmungz Lijyz Doxdax Cungguk Cunggietsaiq Caeuq Gij Laex fatciengj youq Cungzcoj Si banh, hozdung cawjdaez dwg “swnjcienz laex cei saenq, fatyienz caen sienh gyaeu, yienj gij yinx baihdoeng”. Ndaw doz dwg dahsau lijyz ingj siengq.

(Coh Yizangh/周贻刚)

Cenzcouh Yen Dunghsanh Yauzcuz Yangh Doicaenh Hwngfat Dajndaem Canjnieb

Seizneix, cingq dwg seiz lauxbaeg baenz sou. Youq Cenzcouh Yen Dunghsanh Yauzcuz Yangh Luzswgai Cunh, gyoengq vunzmbanj cingq nyaengq au lauxbaegnding miz daegsaek Dunghsanh cang ci daeh bae diegrog.

“Bineix daengx cunh dajndaem lauxbaegnding miz daegsaek Dunghsanh 80 moux, moix moux bi sou ndaej 3000 gaen, au gaen 2 maenz daeu suenq, moix moux ndaej 6000 maenz, ranzgungzhoj ndaej ik 16 ranz. Doengzseiz yungh gij hwngfat vunqsik ‘ranzgungzhoj + hozcozse + gunghsw’ , hozcozse fucwz soucawx lauxbaeg, gaijgez gij youheiq baihlaeng ranz dajndaem.” Boux ganbu capyouq mbanj Dauz Manjfu naeuz.

Bineix doxdaej, Dunghsanh Yauzcuz Yangh haenqrenz guh hong yinxhaeuq cehfaen moq, loh hong neix liedhaeuq gij neiyungz youqgaenj cizyau gaujhwz, nienzco gviveh daengx bi dajndaem hanghmoeg caeuq dajndaem yinvu, dinghmingz guhhong cwzyin caeuq seiz guhsat dajsuenq yinxhaeuq. Daengx yangh gak mbanj hwnjguh dieggoek guhyienh dajndaem hoengh-hwdhwd, Bwzcuz Cunh dajndaem duhnoh raez 200 moux, Siujhozbingz Cunh dajndaem makmizhouzdauz 100 moux caeuq gvehoengz byasang fanj geiqciet 100 moux, Sanhyangh Cunh dajndaem makmizhouzdauz 100 moux, Vangzladzung Cunh dajndaem makbakhom byasang 60 lai moux, Limuzgyangh Cunh dajndaem bakhab

50 moux, Cizbaujgwng Cunh caeuq Vangzlungzsang Cunh dajndaem lwgmanh 100 lai moux, Luzswgai Cunh dajndaem lauxbaegnding miz daegsaek Dunghsanh 80 lai moux, gyalai dajndaem caz 200 lai moux.

Linghvaih, Dunghsanh Yauzcuz Yangh lij gyalai gij ligdoh hwnjguh nungzyez gihcuj sezsih, coih aen daemz Lwngjsuijdangz Cunh、aen daemz Cinghsuijsang、Yasanhdangz 3 aen daemz, ndaej rom raemx 3 fanh lizfanghmij, dwk raemxnaz najdieg 60 moux. Dajndongj roen 16 diuz, hwnjguh 5 diuz roen canjnieb、3 aen daemz iq dwk raemxnaz caeuq 9 aen daemz raemxgwn, seizneix cungj guhsat daengz seiz niemhsou.

(Liu Yijangh)

SIUSIK DINJ

● Mboengqneix, Denz-yangz Yen Yifung Cin Vei-swnghsoj、Veiswnghyen lienzhab haiguh aen hozdung cawjdaez senhconz “segi dungyenz caez fuengzai·cangqheiq Cungguk gou hengzdoengh”, doenggvaq venj fuk baengzhoengz、fatcuengq swlhliu、gejdap camcaz daengj lai cungj hingzsik, comz senhconz gij cihsiz fuengz bingh'aiswh hawj vunzlai, caenh'itbous gyagiengz gij eiqsik vunzlai yawhfuengz bingh'aiswh, guhbaenz gij heiqfaenh noengznwd vunzvunz gvansim、vunzvunz caeuqfaenh senhconz fuengz bingh'aiswh.

(Vangz Gozsun)

● Mboengqneix, Sihlinz Yen Majbung Cin Yinzda daiq-daeuz heuhcomz Gvangsijh Yinznanz Gveicouh sam sengi gih yanghein yinzda henzgyawj lienzhab haiguh aen hozdung ngoenz senhconz fapguek. Ngoenzhaenx, vunzguhong youq gai Majbung Cin baij daiz camcaz, fat senhconz swlhliu hawj vunzlai, caemhcaiq gung-hawj faplwd bangcoengh, gejdap vunzlai camcaz, ndaej daengz gyoengq vunz haenh.

(Hoz Byauh)

● Vih haeujlaeg senhconz gij cingsaenz Cibgouj Gaiq Seiqcung Cienzhoh dangj, doicaenh gij hozdung saedhengz vwnzmingz seizdaih moq, ndwen 12 ngoenz 14, Lozcwnz Mulaujcuz Swciyen youq Gyausanz Yangh haiguh aen hozdung bae mbanj senhconz yienjheiq “cinjing vut gungz·lajmbanj saenqhwn” baujhoh swnjcienz feihvuzciz vwnzva yizcanj caeuq “dwk cawz bangvunz simnduk”. Baez hozdung neix laebdaeb guh 5 ngoenz, faenbied bae daengz 10 aen yanghein yienjheiq.

(Vuz Siuhyi)

● Ndwen 12 ngoenz 9 banhaemh, Laizbinh Si aen hozdung gangj gagnyienh fug-saeh “fwen haeuj lajmbanj” hozdung saedhengz vwnzmingz seizdaih moq bae daengz Vuj-senh. Hozdung cingj fwenvuengz Gvangsijh Goz Siulenz caeuq canghfwen maenhndei gak dieg daeuq caeuqfaenh, yungh fwen senhconz gij cingsaenz Cibgouj Gaiq Seiqcung Cienzhoh dangj caeuq vut gungz gunggeng miz-gven cwngecwz daengj.

(Danz Vwnzgwz)